

Апостол 14.01.2025

Б: Мир всем.

Я: И духови твоему.

Б: Премудрость.

Я: Прокимен глас 6:

Спаси, Господи, люди Твоя, / и благослови достояние Твое.

Хор: Спаси, Господи, люди Твоя.....

Я: К Тебе, Господи, воззову, Боже мой, да не премолчиши от мене.

Хор: Спаси, Господи, люди Твоя.....

Я: ин Прокимен глас 1:

Уста моя возглаголют премудрость, и поучение сердца моего разум.

Хор: Уста моя возглаголют премудрость....

Б: Премудрость.

Я: К Колосса́ем послáния свята́го апóстола Пáвла чтéние.

Б: Вонмем

Братие, блюдитесь, да никтоже вас будет прельщая философиєю и тщетною лестию, по преданию человеческого, по стихииам мира, а не по Христе. Яко в том живет всяко исполнение Божества телесне. И да будете в Нем исполнены, иже есть глава всякому началу и власти; о Немже и обрезаны бысте обрезанием нерукотворенным, в совлечении тела греховнаго плоти, во обрезании Христове, спогребшесе Ему крещением; о Немже и совоистае верою, действием Бога, воскресившаго Его из мертвых.

(*Кол., зач.254: гл.2, ст.8-12)

Братие, таков нам подобаше Архиерей, преподобен, незлобив, безсквернен, отлучен от грешник и вышше Небес быв. Иже не имать по вся дни нужды, якоже первосвященницы, прежде о своих гресех жертвы приносить, потом же о людских: сие бо сотвори единою, Себе принес. Закон бо человеки поставляет первосвященники, имущыя немощь, слово же клятвенное, еже по законе, Сына во веки совершенна. Глава же о глаголемых: такова имамы Первосвященника, иже седе одесную Престола Величества на Небесех, святым служителю и скинии истинней, юже водрузи Господь, а не человек.

(*Евр., зач.318: гл.7, ст.26 – гл.8, ст.2)

Б: Мир ти.

Я: И духови твоему.

Б: Премудрость.

Я: Глас осьмьй: Аллилу́ия, аллилу́ия, аллилу́ия.

Хор: Аллилуиа 3 раза

Я: Пасьй Изра́иля вонми́, наставляяй яко овча́ Ио́сифа.

Хор: Аллилуиа 3 раза

Я: Уста́ пра́веднаго поуча́тся премудрости, и язы́к его́ возглаго́лет суд.

Хор: Аллилуиа 3 раза